

0.0.1 kammassuttaṃ

1. evaṃ mesutaṃ: ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. tena kho pana samayena aññataro bhikkhu bhagavato avidūre nisinno hoti, pallaṅkaṃ ābhujitvā ujum kāyaṃ paṇidhāya purāṇakammavipākajaṃ dukkhaṃ tibbaṃ¹ kharaṃ kaṭukaṃ vedanaṃ adhivāsento sato sampajāno avihaññaṃāno.

2. addasā kho bhagavā taṃ bhikkhuṃ avidūre nisinnaṃ pallaṅkaṃ ābhujitvā ujum kāyaṃ paṇidhāya purāṇakammavipākajaṃ dukkhaṃ tibbaṃ² kharaṃ kaṭukaṃ vedanaṃ adhivāsentaṃ sataṃ sampajānaṃ avihaññaṃānaṃ.

3. atha kho bhagavā etamattamaṃ veditvā tāyaṃ velāyaṃ imaṃ udānaṃ udānesi:

sabbakammajahassa bhikkhuno,
dhunamānassa purekataṃ rajaṃ;
amamassa t̥hitassa tādino,
attho natthi janaṃ lapetaveti.

¹tippaṃ - si

²tippaṃ - si